

第七十二册

經濟彙編

祥刑典

律令部

(卷)
七一六

古今圖書集成

中華書局影印

欽定古今圖書集成經濟彙編祥刑典

第七十七卷目錄

律令部彙考六十三

皇清康熙一則



祥刑典第七十七卷

律令部彙考六十三

皇清

康熙四十八年十二月十一日

上諭刑部本內有兩次竊盜和尙著發黑龍江當差

定例內擺牙喇撥什庫披甲人等脫逃刑部與

該旗大臣等會同嚴審如旗人有竊盜事出亦

著照此例會同嚴審竊盜非過誤之罪刺字人

何容畱在京師嗣後兩次竊盜俱發黑龍江應

當差者著當差應給窮披甲為奴者給為奴

吏部則例康熙四十八年六月十三日一刑部

題為州牧撫綏不力等事該臣等會看得和州

知州李芳雲撫綏不力一案據兩江總督邵疏

稱康熙四十七年五月內和州境內霖雨連綿

田被水淹廬舍傾壞小民無處棲身多有舟居

水面捕魚度日適有米客姚大順等米船經過

裕溪地方葛爾貞等各執錢魚齊赴米船換買

又揚言借貸衆客不允爾貞等遂擁入船肆行

搶奪當被裕溪司巡檢唐英差役擊獲解州李

芳雲不即查究以駭犯楊搖山等供係無為州

民輒將楊搖山等移解該州混行推諉則是撫

綏不力禁敢不嚴相應革職照奉

制書有所施行而故違者杖一百係旗員解部發落

等因具題前來據此李芳雲應革職比照凡奉

制書有所施行而故違者應杖一百律應杖一百但

事犯在康熙四十八年三月十一日

赦前免其杖罪仍革職可也奉

旨依議

又八月二十八日准咨一刑部為私鹽拒捕等

事貴州清吏司案呈據直撫趙咨稱獻縣鹽賊

王三娘子等拒捕砍傷巡役牛逢身死一案經

本部發審在案今據該撫咨稱王三娘子之案

於四十八年七月初五日准到部咨應以准咨

之日扣限四箇月審結等因前來據此應以准

咨之日扣限作速審擬具題結案可也

又九月一兵部題為循例展限以清案牘事該

臣等議得山東登州總兵官李雄疏稱臣接護

理登州總兵官印務中軍尤吉喬萬齋送到一

切欽部案件臣逐細檢閱其間有應咨提臣商

酌者有應行營查覆者必詳慎核明方敢繕疏

入告臣以到任之日為始次第完結等因題請

展限前來查定例內督撫到新任接署者俱以

到任接署日期扣算係四個月限期者准展限

兩個月完結等語應照此所定期限令該鎮展

限兩月完結可也奉

旨依議

又十月十六日准咨一吏部為稟報事查得刑

部咨稱直隸巡撫趙以盜犯韓六等行劫昌平

州後屯村居住范景隆家一案署昌平州事西

路捕盜同知王景阜於四十七年八月初四等

日節次奉委公出承審未滿一年之限相應咨

部除出因公出境扣限審解等因原咨送吏部

議等因前來查王景阜該撫既稱節次公出未

滿年限等語應移咨該撫作速扣限審結可也

又十月十六日准咨一吏部為欽奉

上諭事查得直隸巡撫趙咨稱署昌平州事西路捕

盜同知王景阜接緝越獄脫逃流犯沙七等該

署州節次公出接緝沙七等實屬未滿一年之

限應俟限滿補參等因前來查署昌平州事西

路捕盜同知王景阜該撫既稱節次公出未滿

年限等語應俟限滿補參可也

又十月十七日准咨一吏部咨為叩

聞事查得戶部咨稱直撫趙以薊州李大美是旗

是民一案例限已滿未據查覆遲延薊州暨任

知州閻毅等指參送吏部議等因前來除署薊

州事三河縣知縣李長華承查未及一月無庸

議外應將薊州知州已陞任東路捕盜同知閻

毅照例於新任內罰俸三個月

又十一月初八日准咨一刑部為回明事貴州

清吏司案呈先據直撫趙咨稱天津衛地方拏

獲私鑄人犯車國寧續獲同夥王三楊二回子

續獲王文佐據王文佐供稱係脫逃之陳西人

郭二起意同匠人李二私鑄等語若非行提郭二等質審難以定案等因本部以先獲之車國寧等並未供有郭李二人姓名明係承審官不能依限審結一任王文佐輾轉批扯行令該撫作速審擬具題去後續據該撫咨稱王三楊二同子原係借給銀兩之人並非商同私鑄之犯無由供出郭二李二及嚴訊王文佐又稱起意私鑄皆係郭二此案應照例以郭二到案之日扣限等因本部以原咨內止有王文佐借楊二同子銀兩並無王二借給之處且從前起意車國寧私鑄等物何得稱同夥五人止獲王文佐一犯明係將現在人犯希圖開脫仍令該撫審明具題去後今該撫咨稱郭二係此案要犯是以咨陝撫行提茲准陝撫覆無郭二其人應以准到回文之日扣限審結等因前來查此案該撫既稱准咨之日扣限應如該撫所請速行審擬題結可也

戶部則例康熙四十八年二月一戶部覆署湖撫郭疏稱原任沔陽州革職知州朱化隆原叅續參虧空銀五千九百三兩零南米一千一百十五石零前經審係民欠准令接任官追補嗣欽奉

上諭四十三年以前未完地丁銀糧通行豁免將前項銀米援例具題請豁部覆仍著落原虧空朱化隆名下作速追完具題茲據布政使王毓賢等會詳朱化隆楚省無可追變請咨江寧巡撫轉交原籍追完等因前來查前項未完銀米先

經該撫劉咨請將朱化隆發回原籍追完等因臣部以定例州縣官因別案離任後方叅虧空者該管上司有治罪分賠之責請將朱化隆發回原籍之處明係該管上司推卸承催各官希免參罰行令將承追各官題叅在案應將該撫所請之處無庸議可也奉

旨依議

一吏部覆御史張條奏牙行經紀其來已久如瓜菓蔬菜至微之物槩有光棍任作牙行執帖霸佔買者倍增其價賣者反虧其本指勒中飽往往奪行爭利如去年有瓜行劉六等毆死劉義隆一案牽累多人曾經刑部審理本年有棉花行趙科等并行專利苦累商民經臣衙門斷理其一証也臣請

勅部清查除稅課定例應立牙行者照舊設立外其餘微小之類係後來添設者槩行革除使買者賣者各從其便等語除稅課定例應立牙行者照舊設立外其奸究之輩希圖取利捏稱牙行恃強於夏民買賣之際混行索詐銀錢棍徒應責順天府府尹該通判大宛二縣五城兵馬司嚴行責拏照例從重治罪如該地方官不行嚴拏仍留積年奸究以致累民事發之日將該管官員一并交與吏部議處康熙四十八年四月初七日奉

旨依議

又七月一刑部為請嚴虧空之法等事該臣等議得岐山縣病故知縣李經文虧空銀兩一案

先據署川督事陝撫鄂疏稱李經文虧空四十五年兵餉銀一萬五千三百四十七兩零審因三十五六兩年奉文捐馬那用銀五百一十三兩又本任內并署鳳翔縣任內奉文買馬共那用岐山縣銀三千四百八十兩後因軍前不收往返疲斃以致不能還項又三十六七等年奉調岐山驛馬于延安榆林二處安塘共那墊草料銀四千七百七十五兩零又三十九年將岐山存剩驛馬分安第五村協站以致本驛馬匹不敷添備夫馬共用銀二千七百二十五兩又四十二年雷雨連綿倉廩倒漏漏爛糧二千六百五十石那用銀一千九百八兩買米補倉又自三十四年起至四十四年止陸續收墊民欠銀二千一百三十二兩又節年截完屯糧共那用銀一千三百九十五兩俱係因公那用並無私侵情弊等因具題臣部以奉文捐馬應出己資何得擅動正項錢糧買馬解赴軍前不收既經變賣何致分文竟無還項奉調岐山驛馬于延安榆林二處安塘自有額支工料焉用賠墊該縣驛馬分安第五村協站既稱將存剩驛馬分撥又稱本驛馬匹不敷那銀添買自相矛盾如果倉糧漏爛為何不稟報上司擅動錢糧購買代墊民欠銀兩奏銷冊內年年俱報全完何得又稱民欠屯糧係百姓自解交納何得又稱代賠種種不符未便遽結行令該督逐一妥擬並將歷年不行盤查上司及承審各官一併查叅到日再議去後茲據該督齊疏稱李經文奉

文指馬委無已資那動正項錢糧又本任內併署鳳翔縣任內奉文買馬解至軍前不收往返倒斃以致竟無還項安塘馬匹額設工料不敷以致賠墊多金驛馬分撥第五村供差本驛止剩馬六匹中途差使繁多所以添夫購馬泥爛倉糧若申報上司懼懼悉罰遂那項買補歷年原有民欠那新補舊實屬真情屯糧緣百姓完納不全有碍考成代民截納歷審實係因公那用並無侵欺情弊等因仍照原擬援

赦具題前來據此李經文合依那移銀五十兩以上新例治罪已經病故無庸議其虧空銀一萬五千三百四十七兩著落伊子李明允九名下勒追報完不行稟阻之經承候補合依不應重律治罪但事犯在康熙四十八年三月十一日

赦前應免罪仍革役再該督既稱承審各官並無不行審出真情至歷年盤查之上司因經文那新掩舊無從稽察亦無庸議奉

旨依議

一署河間府張安世為盤獲私鹽人犯事看得國家之立法貴在易遵六部之處分期於允服

我

皇上天地同量胞與為德寬大之恩固已徧流於六合精詳之制更可立極於萬年此豈蠡測管窺所敢妄陳末議然而芻蕘之獻不棄於聖朝韜鐸之懸常存於治世凡有下悃敢不上聞茲如湖廣武昌等幫糧船運丁張貴瓊等夾帶私鹽一案奉部查取沿河文武各官失察職名一事

連次數省議及多官凡在屬員罔不祇遵但糧船與州縣管汛迥不相同一係朝經夕過開行無定一係此疆彼界遵守有常一係各幫押運設有專責一係本管地方勢難兼顧所以四十四年定例漕船夾帶私鹽止議押運之同知通判守備千總而不議及沿途州縣管汛文武各官誠以糧船自有押運之員則沿途州縣管汛止可責其催價前進而不能責其逐船查拏也明甚况三十八年定例盤查糧船私鹽責在龍江等三關盤查如有私鹽移報督撫御史會同題參而亦未嘗議及沿途州縣管汛各官責其查拏也則是糧船各幫平日稽查已有押運之官到關盤查又屬權司之責任既可杜其夾帶又可無誤於漕運法至善也且查重運北行不容片刻停泊回空南下無分晝夜價行始得抵通無誤撥兌如期今若因糧船夾帶私鹽而歸咎於沿途州縣管汛各官不行查拏致罹議處則此後文官無不指為前鑒憚于嚴例凡遇糧船到境咸欲搜查勢必耽延切恐沿途州縣管汛權比而設若運丁聽其搜查則阻滯需時既有妨於漕政若運丁不容搜查則爭端必起又將撓於鹽法在州縣管汛各官查則阻悞漕運既干處分不查則失察私鹽又罹吏議是責之以勢難遵行之事而又繩之以不容推諉之法被議諸員其能心服乎今卑署府不為現在多官憫其無辜而被議實為將來之漕運慮其阻抑而生端應請憲台轉詳院憲俯念糧船夾帶

私鹽既有押運稽查三關盤查所有沿途州縣管汛各官除運丁在何地方所買私鹽仍將該地方文武各官照失察議處外其餘所過州縣管汛職揭槩請免其查議更祈一併題明未著為例庶法度易遵而人心胥悅不特三省多員仰叩鴻庇抑且責任專而奉職惟謹亦於鹽漕兩政不無小補矣等情巡道該清苑縣劉代本道付使李查得河間府所詳糧船經過難以逐處停泊其私鹽應照例責三關併押運官弁稽查沿途州縣止應催趨未便阻滯巡察等甚屬明晰伏查康熙四十三年憲臺署理東撫之時因從七等十人各持鳥鎗弓箭是海豐縣趕驢馱鹽至陵縣適遇馬玉真攔阻丁白花刺殺馬王真題參疎防大部將失事地方官議處經過地方官海豐縣知縣滕末楨等例無處分無庸議奉

旨依議

欽遵在案今張貴瓊私鹽一案事同一轍沿途各官應照例毋庸議據該府詳請前來可否一併題明擬合代為轉請憲臺核奪等因四十八年七月二十七日申詳於本年八月初五日蒙撫院趙批私鹽事犯不參經過地方各官不止海豐從七等一案今糧船夾帶私鹽例有降職限年處分肩馱偷販者不同未便牽混援引但漕船回空不容片刻停泊勢難逐汛盤查若責其失察事出兩難違爾議處似非平情仰候本部院酌奪剴切題明繳一戶部江南等司為請明虧空處分之例歸於

畫一以便遵守事先經山西司員外郎徐鳳池呈議前事蒙堂批司查議奉此該等會議得歲終盤查乃本部題定之例遵行年久其後以歲終盤查時限甚迫因有次年奏銷以前秉公清察之例又恐州縣特盤查出結之後或有虧空因更有不時盤查查出報參免其治罪分賠之例此皆就歲終盤查之例而變通之非故寬知府之處分實嚴杜州縣之虧空也有奏銷以前之盤查則歲終之所不及查或查而有未清未盡者皆得據實詳查又有奏銷以後不時之盤查則州縣之倉庫不得待府結已出任意侵那該管知府亦不慮已經出結得難揭報是盤查之限期雖寬而州縣之虧空愈難掩飾此正所謂變通盤查之定例非寬知府實所以嚴州縣也應如所議嗣後州縣虧空錢糧知府如果失於覺察或被上司查出或經接署州縣查出自應將知府治罪分賠若該府歲終揭報應照例免議即歲終未及揭報而奏銷以前查出揭報亦應照例免議即奏銷以前未及揭報而奏銷以後查出揭報原與例內所載無論幾時查出免其治罪分賠之例相符均應照例免議再有初參虧空若干又續報虧空若干甚有續報之數較多於初參之數往往以續報之多又責知府之徇隱者殊不知果有徇隱不揭報既經揭報便非徇隱况參本內原有此外有無未清之處另行詳報等語聲明在先則續報虧空銀數雖多亦不能復咎知府以失察也至陞遷

降革物故丁憂官員離任之後如有虧空知府自行查出亦與無論幾時查出免其治罪分賠之例相同固應免議即署事接任之州縣揭報虧空係知府撤令查出者亦應免議查河撫汪灝疏稱杞縣參革知縣李繼烈虧空銀兩係該管知府徐爾泰撤令署官查出刑部題覆免議又甘撫齊世武咨稱西和縣知縣董禎虧空銀兩係該管知府撤令署官查出本部題覆免議各在案嗣後知府能撤令署任或新任州縣查出虧空均應比照此例將知府免議可也至于三日起解一款在當日不過預防州縣之虧空惟恐有銀存庫得肆侵那莫若勒限起解使彼無銀可虧斯亦救弊之一端但例內三日不解即行題參之語是參不解之州縣非參該管之知府何得將知府一併並參職司等會議會同可否允協伏候堂裁康熙四十八年八月內戶部說堂行知十四司存案

一戶部覆直撫趙疏稱滄州丁憂知州姚孔鎰虧空康熙四十六年地丁銀一千五百九兩四錢零四十七年地丁等銀二千二百三十四兩四錢零倉穀三千六百八十四石三斗二升四合等因具題臣部行令將前項銀數是侵是那此外有無未清錢糧之處審明追完具題去後今據該撫疏稱審據姚孔鎰供稱虧空地丁等銀因聽從民便銀錢並徵百姓納錢者多不便起解將所收大錢發往四外易銀以致盤查揭報虧空於參後易銀照數解交其虧空穀石因

雨雪連綿倉房濕漏致被泡爛內除檢出好穀六十三石九斗五升交倉外其泡爛倉穀三千六百二十石三斗七升零於限內折價賠補全完存庫俟秋後領買還倉並無侵那情弊例得免議至經管經承朱玉李見龍等重杖革役但事在

赦前均應援免仍行革役等因前來查姚孔鎰虧空銀數該撫既稱照數全完並無侵那情弊等語應毋庸議其已完銀兩即行解部所折穀價作速照數買穀還倉取具倉收并該管上司印結送部查核至經承朱玉等事在

赦前其擬杖之處相應援免仍革役可也康熙四十八年九月十四日奉

旨依議

一兵部為盤獲私鹽人犯事據原任天津總兵官師疏稱湖廣回空糧船夾帶私鹽一案經過失察各官均應題參等因前來應將把總牛登科李自英王國平趙守富王正業房欲新劉成千總王自科桑天才官保奉守備陳鳳麟均照例各降二級留任查千把總無二級可降應革職留任都司馬達邦遊擊藍珠均照例各降職一級陞任都司祁模應照離任官例於新任內罰俸一年再把總吳文魁茹天爵千總王奮守備張正國繆允斌該鎮既稱糧船過汛之日因公出境免其處分等因康熙四十八年九月二十一日題本月二十四日奉

旨依議

又十月一吏部議覆直隸巡撫趙疏稱直隸地方蝗蝻一事屢奉

上諭著實留心申飭嚴查又恐地方官巡查不力即

差委文武官役實力勦查不可怠忽豈意豐潤縣知縣沈承隆平縣知縣葉紹芳只以已經撲滅為詞乃六月初八日據灤州申稱司坨等莊飛蝗自豐潤縣飛來又十一日據鉅鹿縣申稱常家莊等處飛蝗自隆平縣飛來皆由該地方官不實力巡查掩飾一時所有捕蝗不職之豐潤縣知縣沈承隆平縣知縣葉紹芳相應指名題參查葉紹芳係五月初八日到任雖甫及一月但查捕不力以致養成飛蝗咎亦難辭伏乞

勅部分別議處再二處蝻子養成飛蝗不行協捕則豐潤營守備陳阜真定協石營守備石仲秀亦難辭咎相應一併疏參等因前來查蝗蝻為患該地方官理應不時撲捕豐潤縣知縣沈承隆始以已經撲滅為詞今灤州鉅鹿又申報自豐潤隆平飛來皆由不實力巡查以致養成羽翼不合應將豐潤縣知縣沈承隆三級留任隆平縣知縣葉紹芳罰俸一年豐潤營守備陳阜真定協守備石仲秀不行公同撲捕咎亦難辭應將守備陳阜石仲秀照例均降三級留任又該撫疏稱蝗蝻為害若止處分該地方官而所委協捕之官不行議處則委官以事非切已怠忽從事嗣後協捕之官作何議處請

勅部酌議降罰等語嗣後地方有蝗蝻生發協捕官不實力協捕以致養成羽翼為害禾稼者將所

委協捕各官罰俸一年再以後該州縣地方或有蝗蝻不實力巡查撲滅藉口鄰境飛來希圖卸罪者該撫查明題參從重治罪俟

命下之日載入例冊遵行其灤州鉅鹿二州縣境內既有蝗蝻理應盡心撲滅乃稱豐潤隆平飛來借詞卸罪應行令該撫將灤州鉅鹿二州縣即行補參可也奉

旨依議

一康熙四十八年十一月十一日抄

上諭滿漢大學士九卿等言天下州縣官一經虧空即被題參解任究審如此為州縣甚難况虧空中有民欠有因公有混爛等項至能賠補全完仍題開復起倒一番不亦多事甚至督撫清廉者題參虧空更多此甚不解何意况定例中欠錢糧四分以下者不過參處仍令追完又內中錢糧或解部或作何法使於虧空者著逐一詳細議覆具奏

一康熙四十八年十一月二十六日

上諭項那林條奏錢糧虧空事彼但知州縣錢糧有虧空之弊而所以虧空之源未知也則彼徒空言而已凡言虧空者或謂官吏侵蝕或謂餽送上司此固事所時有然而地方有清正著名之督撫而所屬官員虧空更多又何說也如齊世武趙申喬李光地張鵬翮皆不受屬官餽送何故州縣官復有錢糧虧空即爾等年齒雖老朕臨政日久更歷事多各州縣虧空錢糧之源察之最悉從前各省錢糧除地丁正項外雜項錢

糧不解京者尚多自三逆變亂以後軍興浩繁遂將一切存留款項盡數解部其畱地方者惟俸工等項必不可省之經費又經節省裁減為數甚多此外則一絲一粒無不陸續解送至京雖有尾數數十兩部中亦必令起解州縣有司無纖毫餘剩可以動支因而不得已有那移正項之事此乃虧空之根源也年來戶部覆本為嚴查錢糧虧空者朕從未折出蓋深悉病源在此州縣官員實多苦累但既參劾必須追賠如正項錢糧二千兩徵收未完五百兩按分數議處其例甚輕若那用五百兩其例甚重今但責令賠償足額則那移出納還充官用者其罪可寬便不必深究凡事不可深究者極多而如州縣一分火耗亦法所不應取尋常交際即一二十金亦法所不應受若盡以此法一概繩人則人皆獲過無所措手足矣且如戶部中錢糧歷年存積數極難清前此庫貯一二十萬時曾令戶部逐項盤查經一年後方始查完竟多餘二千餘萬即各倉糧米亦經年堆積陳陳相因仍餘不少不肖官吏侵盜銀米者未嘗無人若云盤查數乃不缺所以弊極難除總之定例所在有犯必懲其中微細不能深究諸事大抵如此見在戶部庫銀存貯五千餘萬時當承平無用兵之弊又無土木工程朕每年經費極其節省此存庫銀兩並無別用去年蠲免錢糧至八百餘萬所存尚多因思從前恐內庫不足故將外省錢糧盡收入戶部如今觀之未為盡善天下

財賦止有此數在內既盈在外必虧凡事須預爲之備若部發二千萬分貯各省庫內似于地方有濟倘在外各省一旦倉猝需用及從京師解出得無有緩不及時之虞即此亦當于無事之時從常商確者也爾等可將朕此旨一一向九卿等言之

禮部則例康熙四十八年三月一禮部一本頒詔事奉

旨依議頒詔官員如有紆道行走及沿途生事擾累驛遞者著該督撫即行指參

一吏部覆御史張條奏疏稱會議之時各官在午門前辦事常見有閒雜之人乘馬夫役或從關門或由天安門奔馳經過請嚴禁等語嗣後令看守各門章京披甲人等不時嚴禁查察如乘馬夫役僧道與賣鼻烟人等擅行出入不嚴查者將看門官員罰俸一個月改爲罰俸三個月該管官員罰俸一個月披甲人等鞭四十

一每見各地方有成羣累百身負勛印鳴鑼擊鼓聚衆燒香男女混雜請嚴禁亦不許茶坊酒肆五七成羣酣飲竟日 一扶鸞書符及賣各種不經之藥名不雅馴各街巷口遍貼報單或潛遊於大小官員之家招搖黃絲所關風化匪淺至于淫詞小說亦應禁止等語查鳴鑼擊鼓聚衆燒香男女混雜等弊曾經嚴禁在案但相沿日久舊俗復熾亦未可定再扶鸞書符招搖黃絲之輩及淫詞小說等書均應如條奏末行禁止嗣後如有仍前擅行者該地方官即行率

究治以違禁之罪若該地方官不實心查拏在京或經該部查出外省或經督撫查出將該管官員指名題參康熙四十八年四月初七日奉旨依議

兵部則例一康熙四十八年五月內兵部題爲特參疎防文武各官職名事該臣等會議得兩廣總督趙疏稱南澳鎮標右營守備潘成龍帶船巡海于康熙四十七年七月二十八日被賊殺傷官員一案臣據報即飭南澳總兵官林卓統水師速行勦捕賊黨併具疏題報將千總泰祐總兵官林卓一併指參在案隨准廣東提臣施世驤咨會及據惠州府詳報會審獲賊林亞會等供報同夥三十六人在南高表頭外洋與官兵對敵奪得哨船一隻併認打劫糖船一隻將各犯及千總泰祐等俱發該司嚴審究擬另題外所有守備潘成龍被賊殺死與陳開順糖船被劫兩案疎防文武各官相應題參再照守備潘成龍被傷處所已據千總泰祐及各犯供明實在南高表頭外洋總兵官林卓並不確查止據千總泰祐等混報甲子湖東又陳開順被劫一案疎防各官職名至今並不開報均難辭咎合併附參至本案被傷官兵應否給賞候部議奪等因具題前來查總兵官林卓帶領守備潘成龍千總泰祐出洋巡哨而守備遇有一二賊船不能擒捕勦滅反被殺傷官兵奪去船械皆由該總兵官平日不行嚴加訓練怠玩所致守備潘成龍被殺之處又不確查行詳報又陳

開順糖船被劫一案各官職名慢不開報殊屬溺職應將總兵官林卓照溺職例革職查定例內賊船飄突以致官兵損傷者專汛官降二級兼轄官降一級俱戴罪圖功等語應將汛守疎防專汛海門營千總王士把總張得祿照例各降二級戴罪圖功兼轄守備鄭昂署守備事遂濠營千總蕭文秀各降二級戴罪圖功其守備潘成龍被殺與陳開順糖船被劫二案之兼轄海門營遊擊蔡寬照例降二級俱戴罪圖功再查此案守備潘成龍出洋巡哨遇有一二賊船不能擒捕反被殺傷官兵奪去船械應將該督所請給賞之處毋庸議再查海洋失事文職雖照內地之例處分但潮陽縣洋面任從賊盜出入該地方官並不嚴加防範以致劫掠寧司巡檢何家瑞潮陽縣典史朱綸于此二案每案各降二級戴罪圖功查巡檢司何家瑞典史朱綸俱無級可降均革職戴罪圖功潮陽縣知縣彭象升該督雖稱委署惠來縣印但潮陽縣事務並未別委管理非因公出境者可比應將知縣彭象升照例于此二案每案各降二級戴罪圖功護理潮州府同知事海陽縣知縣王毓英惠潮道胡琪照例於此二案每案各降一級戴罪圖功查王毓英有加二級胡琪有加四級應各銷去加二級抵降二級免其降級仍戴罪圖功潮州府知府戴聘雖不同城有兼轄之責亦應照例於此二案每案各降一級戴罪圖功再總督有統轄全省兵馬之責平日不嚴加訓練

以致賊犯殺傷官兵應將兩廣總督趙於此二案每案各降一級戴罪圖功查趙有加三級應銷去加二級抵降二級免其降級仍戴罪圖功謹題奉

旨林臯著革職餘依議

又十月十一日准咨一吏部為據實報明事先經安徽巡撫劉光美疏稱本年六月十六日拜發三疏遞送河間縣瀛海驛送至任丘地方本箱遺失無存疎失官役請行直撫嚴查等因本部移咨直隸巡撫將疎失本章之該管官查明去後今據直撫趙咨稱瀛海驛馬夫戴保堅稱康熙四十七年六月二十六日遞送安徽撫院本箱至任丘縣石門橋地方陡遇風電交作馬匹驚奔以致本箱遺失委無別情該驛丞王圖盛因公出境其倉差不慎職名咨請邀免等因前來應將河間縣瀛海驛驛丞王圖盛照例罰俸一年

刑部則例康熙四十八年二月二十三日一刑

部覆江撫于疏稱胡七鬻子等俱係行劫崇明縣王明德家強盜各犯又供有行劫常熟縣朱公錫家案內有名關提實審久羈常邑崇明縣知縣曹鐸嗣赴常邑就便審擬飭令典史倉差袁信等十六名押解臬司審明發回於康熙四十五年十二月十七日路由無錫縣經過該縣添差陳明等并移常州營撥兵方紹良等護送囚犯衆差多分船乘坐是日風狂雨驟各盜乘機脫逃將長解袁信等擬徒短解陳明等營兵

方紹良等擬杖具題前來查押解盜犯誠恐疎虞長解之外沿途添差兵役防護若將長解擬以重罪而護解兵役擬以杖罪將來必致怠惰嗣後應將短解及護送營兵俱照長解治罪俟命下之日通行直隸各省遵行再該撫疏稱倉差不慎之崇明縣典史毛有倫無錫縣知縣李繼善常州營守備王章相應附奏崇明縣知縣曹鐸嗣赴常熟縣查審盜案因公出境合併聲明聽候部議查倉解不慎俱論逃犯罪之輕重照例分別議處今盜犯胡七鬻子等該撫既稱候汪有濠一案審明從重歸結逃犯李鎮等嚴緝獲日另結等語是此案逃犯尚未定擬何罪其倉差不慎之崇明縣典史毛有倫等難以遽議至崇明縣知縣曹鐸嗣雖係赴常熟查審盜案因公出境但常熟縣盜案亦係胡七鬻子等行劫非與承審別案因公出境可比且疏內又未聲明公出日期其中不無捏報之處均應行令該撫作速查明定擬到日一併再議可也奉

旨知道了

一江撫郎題為欽奉

上諭事該臣看得廣東遞解免死減等賊犯黃聖寶梁亞平等二起共二十四名打死解役船戶脫逃一案據解官周發等供稱黃聖寶等強悍不法不肯分行擁擠一船時值黃昏風雨驟至後船被淺觸野天黑各犯扭解肘鎖即取船上劈柴鐵器柴棍毆斃解役船戶俱皆逃走等情所有倉差不慎係太和縣實如適等武職係萬安

營把總郭大宗守備李斌也理合題奏奉旨實如這等著議處具奏該部知道

一吏兵二部議劉勝係入官謝日勝家人同伊主自京逃出隨被江西巡撫拿獲解至銅陵地方脫逃銅陵知縣馬得順差姚太徐貴二役管押劉勝俱有家產正役無受賄放縱情弊應照例免議千總李汝澤沿途少撥護兵以致脫逃此無定例應比照護解兵丁與逃人同逃者該管官罰俸一年之例李汝澤應罰俸一年奉旨依議

一保定府知府李紳文覆看得清苑縣賊犯李二明等奪驢傷人一案業已審擬招解矣復蒙批令覆勘此誠慎重刑獄之至意也職府遵復行據清苑縣審解前來更加逐一研訊據李二明等供稱初意原止暗竊驢頭未敢公然為盜迨次晚王年子驅驢出村冀往他處貨賣不意為失主等三人遇見因王繼明等攜有棍棒二明年子力難相持棄驢奔走併伊自有之被套亦為繼明等奪獲于是二明年子歸村謂非獨驢被奪去而且反失被套遂復邀同夥竊驢之霍二並未同行竊之霍四魏超標各持器具防身追奪驢頭因見失主動手致相拒敵二明先將陳文聚手棍擊落傷及臉指年子打倒繼明比霍贊行上前救援而霍二霍四魏超標三人共為拒擊不記下手先後此各犯之供吐如是也職府細釋搶奪之與強劫形迹相似而情事不同似未可拘泥搶奪條註稱人多而有兇器

輒擬強盜且條例內載有凡問搶奪先問事犯根由然後揆情剖決之語今李二明等初則僅竊驢頭不敢為盜可知次晚為失主撞遇棄驢而去是有畏心也祇因驢既被奪又失被奪賊

人之心有所難堪復回村邀人持械追奪致傷三人形似強劫然詰其五人持械原不過為防禦失主等三人亦各持有器耳查康熙三十四年間有無極縣賊犯高二等同夥四人執持柳棍搶奪驢頭致死失主胡全福又四十四年

間曲周縣賊犯康見等同夥四人亦持有柳棍搶奪張世基車載糧食打死失主俱依搶奪傷人案完結今此案似未可因其同夥四人持有器械傷人竟擬為強劫也總之此案也李二

明等如于次晚撞遇失主時即行拒敵不過依罪人拒捕傷人科斷惟其不忍失主奪驢回去復敢邀人追截彼此相持傷人得驢似應依搶奪問擬再查本年八月內邸抄一件為報明事

刑部議覆廣撫范疏稱朱阿會與康阿子于四十六年五月十九日赴港捕魚時至三更至草尾港見林拔先捕魚阿會起意搶奪其網阿子

用竹鎗刺傷拔先手腕潛至東草港又見李阿友張燈照魚阿會往奪其魚阿友喊叫登被阿

會揮刀砍死經廣撫范依強盜殺人擬斬并請皇仁可否未減奉大部改依搶奪除阿會為首身死又將阿子依為從擬流是阿子之先傷拔先仍照為從科斷今李二明等雖各傷人俱已平復其所毆霍贊行下手先後不能記意之處亦可

姑免深究李二明合依搶奪傷人為首律擬斬監候霍二霍四王年子均合依為從擬流仍刺字魏超樑獲日另結至凡進得原屬誣扳前招已明毋庸議是否允協擬合呈解審轉

一刑部咨為竊賊打傷三命事福建清吏司案呈奉部送刑科抄出直撫趙題前事康熙四十七年十二月十四日題四十八年正月二十二日奉

旨三法司核擬具奏欽此該本部會同院寺會看得

賊犯李二明等搶奪王繼明驢頭併傷失主一案據直撫趙審擬斬流具題前來查李二明素

知王繼明家蓄有驢頭起意偷竊糾同已獲賊犯霍二王年子于康熙四十七年二月初七日

夜潛至王繼明之家挖牆入院竊驢二頭次日繼明協同陳文聚等持械往尋至李家莊適遇

李二明與王年子趕驢往集見而喊走繼明率驢旋歸二明因馱被奪亦被奪去隨糾霍三霍

四王年子并脫逃之魏超樑各持器械趕奪互相格鬪致傷王繼明等頭顱等處二明等仍將

驢頭奪回王繼明等傷俱平復該撫歷審各認情真據此李二明合依搶奪傷人者斬監候律

應擬斬監候秋後處決王年子霍三霍四均合依為從減一等律應減一等俱臂膊刺字食妻

流三千里至配所杖一百折責四十板逸賊魏超樑并代為賣驢受贓之霍二霍子獲日另結

現獲驢頭給還原主等因康熙四十八年三月初六日題初八日奉

旨李二明依擬應斬著監候秋後處決餘依議

又三月一刑部議覆寧古塔將軍楊疏稱鑲黃旗傳柱佐領下發遣犯人騷達子在配所又打死齊蘭實一案但充發人犯仍不改惡在配所

又行打死人不便照舊例擬以輕罪應將騷達子在衆人前即行立決正法俟

命下之日仍行文寧古塔黑龍江將軍著為新例可也奉

旨騷達子著該將軍照新例即行正法未為例餘依議

又三月一刑部為報呈事會看得并得龍等搶奪楊子純等銀衣一案先據江撫于疏稱并得

龍與張二同夥九人于康熙三十八年宿遷縣地方遇楊子純等各負行李李三起意劫奪令

并得龍將子純執縛搜奪銀衣等物俟分而散至四十一年四月二十等日拿獲并得龍歷審

是搶非劫所起之賊未經主認無憑質詢將并得龍等暫行監候查訪失主到日質審具題等

因臣部等衙門因與失主原報不符况并得龍等執有刀棍賊明供確今擬搶奪不符駁令再

加嚴審去後今據該撫疏稱嚴訊并得龍等堅供同夥實止九人委係是搶非劫將并得龍等

仍照原擬具題前來應如該撫所請將并得龍等監候俟提到失主質審定案脫逃之張二臣

等獲日另結奉

旨依議

又四月初二日准咨一刑部為行查事貴州清

吏司案呈准直撫趙咨稱在於所屬遍緝並無脫逃蕭明宇蹤跡無憑復解前來查蕭明宇係擬徒脫逃之犯今遇

恩赦免其緝拿可也

一刑部咨為回報事覆直撫趙題前事康熙四十八年四月二十三日題五月初六日奉

旨三法司核擬具奏欽此該本部會同吏部院寺會看得王希堯等毆死張三麻子一案據直撫趙審擬絞杖分別援赦具題前來查魏顯西糾同呂六偷竊張思聖家驢頭並先在別處所偷牛隻會交王希堯轉賣後拿獲呂六併提希堯質審該縣因辦差公出差役盛慈管押候審旋據縣役於此等又獲邢希舜家被竊案內賊犯張可性到縣典史問應麟即交于此張三麻子二人看守張可性謀逆頗起兇心與王希堯商謀于康熙四十七年二月二十二日夜乘張三麻子睡熟可性掐三麻子咽喉捆其手足希堯持磚毆其心坎可性復磚傷其肩胛等處以致張三麻子立時身死二犯脫逃嗣經緝獲王希堯該撫歷審自認情真據此王希堯合依謀殺人從而加功者絞監候律應擬絞監候秋後處決衙役盛慈于此不看守所管押之犯私自潛回合依不應重律各杖八十呂六合依竊盜為從律杖六十照例刺字但盛慈等事犯在康熙四十八年三月十一日

赦前均應免罪盛慈于此仍革役呂六所得無主牛價照追入官脫逃之張可性魏顯西照例勒

限嚴緝獲日另結再該撫疏稱鉅鹿縣典史閆應麟將應禁之竊賊張可性不禁以致謀殺人命脫逃相應附參以聽部議等語查定例官員將軍流徒罪人犯脫逃者降一級調用等語鉅鹿縣典史閆應麟將應禁之竊賊張可性不禁以致謀殺人命脫逃應照此例降一級調用查該撫既稱因公出境無庸議此案承審遲延之官已經題參議處在案無庸議等因康熙四十八年六月初十日題十八日奉

旨王希堯依擬應絞著監候秋後處決餘依議

案疎防詳稿巡道梁查得青縣魏進忠家于康熙四十二年四月二十六日夜被盜一案蒙部堂批取疎防職名并飭勒緝逸賊審解等因遵即移准天津道關據河間府呈准巡捕廳關據青縣申稱此案賊犯同夥十二名先後拿獲李五解七唐三宋大禿子豆三馬三李梅公李大趙三等九名尚有逸賊李三和尚趙二巨宋三禿子三名未獲現今勒限嚴緝聲明獲賊過半開具疎防各職揭由天津道加揭移送前來除未獲各賊飭令嚴緝務獲同現獲各賊一併審解外所有疎防各官職名擬合開揭轉送核參等因

又六月一刑部為欽奉

恩詔事會議得據山東巡撫將題報監候秋決人犯石三龍等一疏吳甸章雖供未上盜照擬監候待質王鼎臣係因姦威逼人致死斬罪其與因

姦殺死人命有間王二原與曲氏通姦兼氏夫病故議嫁不遂刀砍曲氏項命事雖關毆禍緣通姦張有雖係竊盜拒捕殺人但查原招是屬故殺應否減等奏請定奪等因具題前來除石三龍許二張居義准自力劉茂續韓明春俱係謀殺人擬斬王林張君輔劉三劉班俱係謀殺人從而加功擬絞徐四宋十墨朱大九俱係故殺人擬斬姚雙保故殺妻擬絞陳小連張起天俱係因姦殺死親夫擬斬丁八係因姦殺死人命擬斬武仲岳紅林俱係故殺大功弟擬絞韓志禮係故殺雇工人擬絞賂賂係奪親兄之子房產田地挾仇毆殺擬絞之犯線盜吳甸章因首盜張永恆無獲監候待質王鼎臣王二係因姦殺死人命之犯竊盜張有持刀割傷趙樹額項又以土填其口情屬故殺以上共二十五犯俱不准援赦外其已經題覆奉

旨監候秋後處決之犯內私鑄為首一案斬犯韓元

文竊盜拒捕殺人五案斬犯張小撓曹文正姚二朱有隗兆基犯罪拒捕殺人一案斬犯王書關毆殺人一十八案絞犯韓玉光云云以上共二十四犯所犯情罪俱與康熙四十八年三月十一日

赦款相符均應減等各食妻流三千里至配所各折責四十板內有誣告致死人命之劉本源並打死人命之張小撓等名下各追埋葬銀四十兩給付死者之家奉

旨依議

一刑部咨直撫趙強盜謀殺故殺案內軍流等罪不准援赦在案今據各省督撫將強盜謀殺案內軍流等犯有具題援赦者亦有不准援赦者事不盡一查強盜謀殺故殺雖在不赦之條然細味

恩詔係此等案內真正死罪不赦其軍流等罪應並從寬宥以廣

皇仁俟

命下之日臣等行文各該督撫一體遵行至臣等將此處不先行請

旨知照各督撫畫一奉行告亦難辭相應檢舉伏祈勅部察議施行等因康熙四十八年七月二十日題

二十四日奉

旨依議

又八月初八日准刑部咨為欽奉

恩詔事直撫題強賊于明旺等行劫監生賈明倫家一案經本部議覆將此案內自首之于明旺于

芳俱照律擬徒不准援赦行文在案今本部奏請將強盜謀殺故殺案內軍流徒杖以下人犯

應准援赦釋放奉

旨依議欽此相應移咨該撫將于明旺等即行釋放仍報明本部嗣後凡強盜謀殺故殺案內軍流

徒杖等罪人犯俱照此畫一遵行可也

一康熙四十八年八月刑部會議得康幸發扎死親兄康健一案據督撫蘇審擬斬罪具題經

刑部等衙門議覆將康幸發擬斬立決具題奉旨九卿詹事科道會同議奏欽此查康幸發與康健

同父異母兄弟素睦無嫌緣有祖遺房地契券向係康健收藏于四十八年三月二十一日檢查失少六張疑幸發竊去于二十三日同堂弟康壽吉尋獲幸發帶至壽吉母舅康富民家康健令壽吉捆綁幸發幸發情急隨拔身佩小刀嚇扎壽吉驚倒康健從背後手抓幸發肩勝幸發恐被捆打輒手持小刀向後扎中康健左肘等處殞命幸發應照弟毆同胞兄死者律擬斬立決但該撫既稱康健幸發俱無子嗣一死一抵後嗣滅絕且伊父樞現在暴露情有可原照王子重存留養親之例枷責發落等語查三十三

年臣部等衙門覆原任河撫顧題王子重毆死胞兄王九一案緣子重兄弟俱無子嗣且伊父母骸骨暴露未葬將王子重比照留養之例

枷號兩個月責四十板奉

旨依議欽遵在案今康幸發殺死伊兄康健之案與已結王子重情事相符應將康幸發照王子重之例枷號兩個月責四十板餘仍照前議可也

一刑部為報明事該本部會同吏部院寺會看得強盜侯大等行劫景州桑園村居住生員劉

煒若家一案據直撫趙審擬斬各分別援赦具題前來查病故賊曹遜素知劉煒若家有蓄積

商同未獲之單二麻子轉邀吳發貴侯大同夥

四入于康熙四十四年八月初十日三更時分各持刀棍等械齊至失主莊上砍取柳棍扎梯

扒牆進院挖孔入室曹遜捆打失主搜劫衣飾等物從大門出水分賊而散迨至四十六年七

月初十日據楊五出首拿獲吳發貴等該撫歷審各認情真除曹遜取供後病故不議外侯大吳發貴俱應照強盜得財立決但該撫既稱各賊所分贓物花費無存所起碎珠失主難以認識應將侯大等監候俟緝獲逸賊單二麻子質審明確再行處決應將侯大吳發貴照強盜審有賊証明確照例即決如賊跡未明不妨再審俱監候勒限嚴緝逸賊單二麻子一併審明具題到日再議寄藏盜賊之王子實合依知強盜賊而寄藏者減故買一等一兩至十兩笞二十律應笞二十但王子實事犯在康熙四十八年

三月十一日

恩赦以前王子實與出首之楊五均應省釋再該撫疏稱監斃曹遜之管獄官係景州吏目李秉謨

相應附參聽候部議查定例州縣監獄係吏目典史專管獄內監斃一人者罰俸三個月等語

應將景州吏目李秉謨照例罰俸三個月至此案承審遲延之官該撫既稱題參議處應毋庸議等語四十八年九月初八日題十二日奉

旨依議

又九月一戶部議偏撫趙疏稱原任耒陽縣降調知縣王賜召未完南米三千八百一十七石

八斗零於未經離任之先照數全完與開復之

例相符題請將原參革職之案開復等因前來查前項已完米石與原參米數相符應將王賜

召照例開復但該員於南米未完案內革職之後又有兇犯賀子鳳違例發保自縊身死一案

照例革職註冊在案應將王賜召開復之處毋庸議奉

旨依議

又九月一刑部為矜劣串謀行兇等事該臣等會議得武城縣已革武生王榮祀等糾眾壘塞縣門一案據山東巡撫蔣疏稱康熙四十六年錢糧奉文五兩以上徵錢有已革武生孟衍社名下錢糧在五兩以上納銀不納錢知縣黃吉運將銀發出令換銅錢因此行社遂挾嫌架捏挑淺河夫等項具控該府閣縣士庶惡孟衍社多事舉首于濟寧道批府審虛將孟衍社發縣王榮祀等隨與韓子豫袁茂等一同赴縣欲將衍社保放知縣黃吉運不允榮祀等于康熙四十七年閏三月初二日清晨雇覓市中不知姓名短工十數人將土坯壘塞縣門雖未全塞實干法紀該縣西關大集逼近縣署當日趕集人眾聞而全往看視以致枷犯徐小偏楊六王並押審犯人孟尚質各乘機磕開枷鎖而逃事首劉之治亦聽從榮祀捏造謊言控告及詰其知縣黃吉運有何不職之處則各犯茫無指實俱俯首服罪歷審情真王榮祀等擬以發遣徒杖援救具題前來據此王榮祀應照在外刁徒直入衙門挾制官吏發邊遠為民律應僉妻發邊遠為民韓子豫袁茂應照為從減一等杖一百徒三年律應徒三年不行力阻之王振賢與扶同妄供之劉之治俱應照不應重律杖八十其枷犯徐小偏等應照律各于本罪上加逃罪

二等徐小偏杖七十徒一年半楊六王杖九十孟尚質應照不應重律杖八十但王榮祀等俱事犯在康熙四十八年三月十一日

教前均應免罪再該撫疏稱解任知縣黃吉運既審無不職啓覺情由相應赴部候補等語應將武城縣解任知縣黃吉運准其赴部候補至此案承審遲延官員已經題參議處應毋庸議可也奉

旨依議

一刑部咨為呈報事該本部會看得賊犯張春春等行劫定州穆家莊居民馬進祿家殺死進祿等一案據直撫趙審擬斬罪具題前來查逸賊陳黑子在進祿家傭工知其饒裕糾合現獲之張春春及被獲取供後因傷身死之張文玉病故之孫文魁同夥四人于四十七年十一月初一日夜各持刀棍等械至失主之門踰牆入室點燈縛主逼索財物乃被主媳聲喊鄰鄰聞救各賊拒敵以至失主馬進祿鄉長張冲金受傷身死賊犯張春春張文玉亦俱受傷同孫文魁當場被獲該撫歷審各認情真張春春合依強盜殺人律擬斬立決梟示拿獲賊盜之鄰佑張四等併拿賊被傷身死之鄉長張冲金行令該撫查明照例給賞報部再該撫疏稱張文玉既係因傷身死管獄官應毋庸議其監斃孫文魁之管獄官定州吏目陳世秀照例罰俸三個月等因康熙四十八年九月三十日題十二月初二日奉

旨張春春著即處斬梟示餘依議
宣張文玉係帶傷
進監越十九日身死

又十一月初一日准咨一刑部為呈報打死人命事湖廣清吏司案呈先據直撫趙咨稱武清縣民牛二控告龔二等將伊兄牛大致死一案絲龔二欠劉大之錢未償康熙四十五年八月二十七日劉大向龔二索錢角口牛大聞聲往勸及至散後牛大斃命嚴訊各犯並無毆打真兇亦無見毆實據牛大係孱弱病軀混入稠眾擾攘適為傍人拉勸誤觸殞命但劉大向龔二索錢角口聲由伊起將龔二擬以枷責等因本部以龔二等既無交手其牛大致命傷從何而至即係稠眾為人誤傷亦自有誤傷之律不應止擬枷責如謂龔二實非兇手又不便將龔二擬以枷責事關人命屢次行令該撫嚴究下手真兇審明具題去後今據該撫咨稱牛大致命拳傷不特起釁之龔二在場之劉大王大始終甘受刑訊並無供認即屍弟牛二亦稱龔二與劉大等爭嚷原非交手如何傷及勸架之人則牛大之死實係稠眾擾攘之際被人誤觸殞命無疑似難懸坐龔二等以誤傷之律然牛大之死終由龔二欠錢起釁所至應將龔二仍擬枷責其真兇另獲審結等因前來據此龔二應枷號一個月杖一百但事犯在康熙四十八年三月十一日
恩赦以前應免其罪下手真兇仍令該撫嚴緝務獲另結可也為此咨前去查照施行

旨邵淳著即凌遲處死

一刑部為報明事會看得固安縣民邵淳殺死伊兄邵濤併嫂孔氏姪麒麟兒一案據直撫趙審擬凌遲具題前來查邵濤聽妻孔氏唆挑兄弟各炊輪流膳母實氏康熙四十八年四月初一日伊母實氏輪應邵濤膳養孔氏頃伊婆為淳做飯來遲不行供膳邵淳訊知頓起殺機乘兄他出沽酒醉飲二更時分開兄叫門淳即暗持片刀開門遂連砍伊兄邵濤胎膊頂心等處登時畢命淳復至後屋將嫂孔氏姪麒麟兒一併砍死該撫歷審自認情真據此邵淳合依謀殺期親尊長者凌遲處死律應即凌遲處死等因康熙四十八年十二月初四日題初八日奉

五不議外穀遷喬合依關毆殺人律擬絞監候張氏合依餘人杖一百係婦人照律收贖尚之禮合依賭博抽頭例應枷號三個月責四十板不行嚴查之保地尚雲集尚孫應照律責二十板但穀遷喬等事犯在康熙四十八年三月十一日

恩赦以前穀遷喬應免死減等食妻流三千里至配所杖一百折責四十板仍向伊名下追埋葬銀四十兩給付死者之家張氏等均應免罪脫逃之邢化興王承教亦應免緝其攤場六百文錢仍照追入官再該撫疏稱失察之地方官係署寧津縣事景州知州周鉞典史捕務亦係周鉞兼攝相應附參聽候部議查定例該地方有犯賭博者該管官罰俸一個月等語應將署寧津縣事景州知州周鉞照定例于現任內罰俸一個月周鉞之兼攝典史事應于現任內再罰俸一個月此案承審遲延之官該撫疏稱題參在案應毋庸議等因康熙四十八年十二月初二日彙題本月十一日奉

刑科抄出直撫趙題前事康熙四十八年九月初六日題十七日奉

旨三法司知道欽此該本部會同吏部會看得先據直撫趙疏稱賊犯王士孔等行竊阜城縣多時珍家一案緣士孔與逸賊張三風聚謀偷驢糾合現獲賊王三黑趙得秀併取供後病故賊許加美未獲賊于道功同夥六人于康熙四十四年六月初二日各覓木杆紮縛軟梯二更時分齊至多時珍家于道功趙得秀在外王士孔張三風王三黑許加美踏梯上樓潛入偷竊銀錢首飾等物欲遁失主僕婦驚喊士孔恐嚇禁聲仍由原路出水撞遇濱州捕役司進卿之姪司小旺濟陽縣捕役黃國基盤詰各賊棄賊潛逃至三風家俟分餘賊而散旋經司進卿抱賊首明緝賊到案歷審情真除許加美病故不議外將王士孔等照竊盜拒捕律擬以斬流杖罪具題臣部以此案如果係行竊即可結案何遲至三載始稱竊盜兇失主僕婦驚覺欲喊士孔恐嚇一語不可作為竊盜拒捕律擬斬行令該撫再加嚴審確擬具題到日再議奉

旨依議欽此咨行去後今據該撫疏稱研訊各犯實係潛入攫賊並未執有器械亦無強劫情事王士孔被失主僕婦驚喊不即逃避反行恐嚇禁聲正與臨時拒捕之律相符此案因賊罪未符輟轉駁查遲延有因除趙得秀具題後病故不議外其王士孔等相應仍照原擬援救具題前來查王士孔並未格鬪傷人惟止恐嚇禁聲不

便照拒捕律擬斬應改照竊盜一百二十兩以上律擬絞監候王三黑合依爲從減一等律應僉妻流三千里至配所折責四十板疎脫首賊不盡應杖八十之司小旺其解役寇九平楊得剛合依主守不覺失囚者減囚罪二等律應各杖六十但王士孔等俱事在康熙四十八年三月十一日

恩赦以前王士孔應免死減等食妻流三千里至配所責四十板王三黑等應免罪寇九平楊得剛仍革役未獲贓物照例追賠給主逸賊張三風于道功并司小旺獲日另結監斃許加美之管獄官阜城縣典史楊加盛相應附叅聽候部議查定例州縣監獄係吏目典史專管獄內監斃一人者罰俸三個月等語應將阜城縣典史楊加盛照定例罰俸三個月至此案承審遲延之官該撫既屢叅在案應毋庸議等因康熙四十八年十二月十一日彙題十四日奉旨知道了

一刑部爲欽奉

恩赦事江西清吏司案呈據直撫趙咨稱免死減等流犯趙六犯罪時年止十五似應照例收贖等因前來查趙六係毆死崔紅記擬絞遇赦免死減等之流犯今該撫既稱趙六犯罪時年止十五與收贖之律相符應如該撫所請趙六流罪准其收贖等因康熙四十八年十二月十一日彙題十四日奉

旨知道了

又十二月一刑部爲哀號原情等事該臣等會議得浙撫黃題張承通毆死胞兄張承遠一案先經刑部等衙門議覆將張承通擬斬立決具題奉

旨九卿詹事科道會議具奏欽此查張承通與伊兄張承遠向係同居緣承通貧難糊口于本年三月二十六日將公共水車負以當米承遠見而爭阻先持木棍毆打承通奪棍回擊適中頂門偏右血流承通即將香灰掩住破處二十七日復買藥包敷因承遠自行解洗受風重傷越七日斃命再該撫疏稱伊母章氏帶承通投首告稱氏夫已故氏年七十長子愚呆次子又被三子還打冒風身死懇乞原情超釋等語查張承通毆兄致死死法固難寬但伊母張氏告稱氏年七十長子愚呆不能奉養情甚可憫應將張承通枷號兩個月折責四十板准其畱養可也奉旨依議

一凡具題後監斃人犯職名招內未經附叅後據詳報再行咨部

欽定古今圖書集成經濟彙編祥刑典

第七十八卷目錄

律令部彙考六十四

皇清康熙一則

祥刑典第七十八卷

律令部彙考六十四

皇清

康熙四十九年

吏部則例康熙四十九年三月二十八日准咨
一刑部爲呈報事貴州清吏司案呈准直撫趙
咨稱任丘縣張允中於康熙四十八年七月十
八日刺死來祿一案該令於八月十二日調往
固末二縣會勘地畝又調赴古北口辦理

皇差係因公出境應以該縣九月二十日回署之日
扣限審結等因前來查該撫既稱該縣因公出
境以回署之日扣限等語據此應如該撫所請
作速照限審擬具題可也

又四月一吏部爲條例應行事宜等事覆江督
噶疏稱常熟縣降調知縣黎龍虧空錢糧一案
承審遲延據該督疏稱定例承審虧空四個月
限滿不結將承審州縣照例議處如再違限四
個月不定將承審州縣官並知府俱照易結不

結例革職等語查此例內所開初參覆參似係
指一官承審者而言或有前後兩官接手承審
之案例內未經分別臣請嗣後兩官接手承審
案件後官雖屆覆參之限仍照初參議處其該
管上司係據屬官審解核轉遇有接任屬官覆
參遲延之案亦應例得畫一等語查定例承審
虧空四個月限滿不結將承審州縣官仍照遲
延例議處如再違限四個月不完者將承審州
縣官併該知府俱照易結不結例革職等語至
承審官四個月限滿不結被參後如遇別案有
離任等事交與接任官又四個月限滿不結者
該督撫以後到任日期扣限四個月題參臣部
止照初參例議處在案並未將該管上司一併
議處應將該督所請接任承審官併題督催上
司照初參議處之處均毋庸議又疏稱已經定
案題報奉駁行覆審者其間多係情節未確勢
難依限完結亦應照常參展一次等語查此等
已定題報之案雖經部內以一二處不明覆行
駁審者係伊等原行審明具題之舊案並非初
參之案可比即可得明若再展限一次案件必
致久稽應將該督所請展限一次之處毋庸
議可也奉

旨依議

又七月二十一日准咨一刑部爲貪酷官員等
事陝西清吏司案呈據直撫趙咨稱參革慶雲
縣知縣曹文衡貪劣奉部發審一案於康熙四
十九年三月初四日隨委景州知州周越與署

慶雲縣事南皮縣知縣沈忱會懲會同審擬今周
越已經別案降調離任署州事獻縣知縣楊希
魯於五月二十六日到任應俟楊令到任之日
扣限審結等因前來據此應如該撫所請以楊
希魯到任之日扣限審結具題可也
戶部則例康熙四十九年二月一戶部題爲運
丁藐法等事該臣等會議得蘆鹽齊疏稱玉田
營把總張大成呈稱旗丁單福德等私販拒捕
捆打官兵一案臣即批令通永道嚴提審擬併
查取疎防各官職名去後據該縣詳稱屢移提
審而東昌衛守備田維寧乃以交卸疲瘁爲辭
不即解審又經差提回稱平山幫船隻併守備
俱已起程回去等情似此藐法抗解顯有縱丁
私販懼罪潛回情弊所有疎防玉田縣知縣沈
中桂典史李文標理合題參查知縣沈中桂通
求道白爲瑣奉調查捕飛蝗俱係因公出境合
併聲明至守備田維寧旗丁單福德等伏乞
勅下總漕迅速提拿移該直撫嚴審究擬等因前來
查定例知縣典史失察私鹽一次者降二級留
任道府失察二次者降職一級等語此例內並
無因公出境官員免議之條再查四十五年十
一月內江南揚州府同知周在都失察私鹽題
參一案稱係周在都因公出境等語臣部仍照
例議處在案應將玉田縣知縣沈中桂典史李
文標均照例降三級留任典史李文標無級可
降應革職留任通永道白爲瑣照定例降一級
其管船同知通判例有處分應令該御史查參

到日再議仍行令總漕將東昌衛平山幫守備田維寧旗丁單福德等案內有名人犯作速提拿解與直撫嚴審具題可也奉

旨依議

一吏部為盤獲私鹽人犯事該本部覆戶部咨前事議得戶部咨稱長蘆巡鹽御史齊以武昌黃州二衛糧船夾帶私鹽一案奉部查取沿河文武職官失察職名題參今取天津衛守備孔興社等職名題參其署靜海縣事天津同知王來碩等十四員俱係因公出境合併聲明等語相應抄錄原疏交與吏兵二部查議等因前來除靜海縣典史李現南皮典史李心振俱經別案革職毋庸議其武職應聽兵部查議外查定例並無因公出境官員免議之條應將靜海縣主簿劉起騰青縣知縣黃志元典史田仕威與濟鎮巡檢吳廷燮南皮縣知縣沈會懋吳橋縣知縣杜千藩典史孫璠交河縣典史田良足東光縣知縣徐兆琦典史陳際泰景州知州周越吏目李秉謨故城縣知縣沈宣典史馬樹勛清河縣知縣高麟徵縣丞王師夔山東德州知州張妍聊城縣通濟關開官吳嘉行周李開關官楊亦榮永通關開官吳末年堂邑縣梁土開關官王圖清平縣戴家灣開關官汪一砥臨清州磚板開關官韓旭晟兗州府運河同知許大定臨清關監督倭赫均照例各降二級畱任查主簿劉起騰典史田仕威巡檢吳廷燮典史孫璠田良足陳際泰馬樹勛吏目李秉謨開官吳嘉

行楊亦榮吳永年王圖汪一砥韓旭晟俱無級可降應革職畱任查倭赫已經差滿回任應照離任官例於現任內罰俸一年孫璠已經丁憂亦應照離任官例罰俸一年補官日再扣署靜海縣事天津同知王來碩署滄州事慶雲縣曹文衡署交河縣事鹽山縣知縣楊可喬署德州濟南府通判劉餘爵均照例於現任內各降級畱任署滄州州判事候選州同遲維堦應照離任官例於出仕之日罰俸一年再查東昌府聊城堂邑博平清平臨清恩縣夏津武城等州縣濟寧等處開官職名疏內並未開列至管船同知通判例有處分應行該御史一併查參可也

康熙四十九年二月初二日奉
旨依議欽此抄出到部查未通關開官吳永年冊內並無其人應令該御史查明報部等因四十九年三月初四日鹽院溫准吏部劄

旨依議欽此抄出到部查未通關開官吳永年冊內並無其人應令該御史查明報部等因四十九年三月初四日鹽院溫准吏部劄

一康熙四十九年五月刑部題為條例應行等事該臣等會議得沙縣解任知縣張漢翔虧空倉穀一案據福撫稟疏稱張漢翔虧空穀九百二十一石四斗二升實因春雨連綿倉邊鼠穴透水以致漫爛餘外並無短少委非侵那今張漢翔于原參限內照數全完正與開復之例相符應請開復倉胥吳琦擬杖援

赦具題前來隨移查戶部回稱張漢翔原參虧空穀九百二十一石四斗二升行令該撫審追等因查張漢翔虧空積穀與戶部原案數目相符該督既稱限內照數全完應將沙縣知縣張漢

翔解任之案准其開復赴部另補其不行稟修之經承吳琦應照不應重律治罪但事犯赦前應免罪奉

旨依議

一康熙四十九年五月內刑部覆江督噶疏稱溧陽丁憂令莫文滔原參續參共虧空四十四五等年地丁等銀八千餘兩零米三千二百餘石零穀一百五十石審係莫文滔因承修沙船修理倉廩運穀水脚各項那用俱有冊案可據實屬因公那移將莫文滔等擬以流徒杖罪分別

援

赦具題前來據此莫文滔應革職合依那移五千兩以上例食妻流三千里至配所杖一百折責四十板經承陳在田應照那移出納還充官用者計贓准竊盜論罪止杖一百流三千里係雜犯准徒四年律應徒四年不行稟阻之經承張元芳朱廷典莫廷榮等均應照不應重律杖八十張文升應照常人盜倉庫錢糧一兩至五兩杖八十律杖八十但陳在田等事犯

赦前均應免罪革役已完銀兩速行解部已完米穀報明戶部未完銀米仍令該督於莫文滔等名下追完報部再該督疏稱先奉部行查從前該管上司通同隱匿職名查莫令係四十六年正月內到任是年經手錢糧應於次年奏銷前察報今莫令虧空據署府事南捕通判馬駛於四十七年五月內察出詳參現任知府劉涵於四十七年七月內到任復又查出續參原無通

同隱匿之處應請免議等語據此應無庸議可也奉

旨依議

康熙四十九年六月內副都祖為欽奉

旨仰體

聖懷敬陳微臣經驗之歉以杜虧空事切惟

國家首重錢糧起由州縣臣於去年十一月內欽

奉

諭旨備言州縣虧空之由凡屬令牧無不應節儉兢

守以仰報

聖慈但臣于二十三年荷蒙

聖恩由戶部郎中外陞山東兗州知府所屬二十七

州縣臣惟恐有一二不肖那用錢糧致成虧空

等弊遂將州縣之流水簿改設為循環二簿鈐

用府印一月一轉再將州縣之串票亦用府印

另設交府串根先期送用以免守候會同循環

簿解府庶便查對徵收之數其一月內所徵錢

糧若干即令盡數解交司庫則州縣既無存留

何從動用及至歲終奏銷親臨盤查該州縣既

不能那此掩彼又何能以徵作欠所以歷任十

年頗無虧空案件臣曾經行略著成效似于杜

絕虧空之法不無小補更有請者查四十年前

浙撫臣張志棟題為敬陳浙省積弊仰請

天語飭禁等事奉

旨依議欽遵在案內有革除里長嚴禁濫差二款至

今浙民深沐
皇恩且臣任陝西延安府綏德州知州時曾恐以催

科累民並不差役下鄉除內有頑戶間或差拿
外餘皆止用滾單魚貫挨催民不擾累而糧無
拖欠緩民稱便則知革除里長嚴禁濫差不特
宜于浙土而直為天下之利莫若將此二款通
行直隸各省以廣

皇仁則國計民生兩有裨益矣奉

旨知道了該部知道

一吏部覆直撫趙疏稱中堂達地方前據報有
蝗蝻隨飛飭撲捕旋據運同等官報稱已經撲
盡臣復差健丁李應魁密訪據稟稱中堂達現
有蝗蝻隨委巡道李成龍飛往督捕據稱已成
飛蝗現在督捕目今天道乾燥蟻易生發若各
官皆如此效尤則蝗孽何以滅盡所有捕蝗不
力之青州分司李滋奇相應題參聽部嚴加議
處其督捕不力之鹽法道王清碩亦應一併題
參以為督捕不力者戒伏乞

勅部分別議處等因前來查康熙四十九年五月內

直撫趙以保定縣知縣許聖謨于蝻子初生之

時既不實力撲捕及至長成跳躍反稱係文邑

生發殊屬怠玩等因題參臣部將保定縣知縣

許聖謨降三級留任戴罪撲捕具題遵行在案

青州運同李滋奇所轄中堂達鹽竈地方現有

蝗蝻乃報稱撲盡殊屬不合不便照此例議處

應將青州運同李滋奇革職留任令其戴罪撲

捕鹽法道王清碩該撫既稱督捕不力應照許

聖謨降三級留任之例戴罪督捕可也康熙四

十九年七月初九日奉

旨依議

一吏部議得戶部具題咨稱署偏撫王以澧州
應存積穀出借窮民據報如數還倉今盤量霉
爛將澧州知州曹景濂題參應將曹景濂照例
革職留任限一年賠完如逾限不完該撫照例
題參等因具題奉

旨依議欽此移咨等因前來查定例州縣官員將一

應存倉米穀虧空霉爛者該督撫題參到日將

該州縣官員革職留任限一年賠補等語應將

曹景濂革職留任限一年賠補查澧州知州曹

景濂于本年正月內題補刑部員外郎知州員

缺于三月內將山東掖縣知縣韓文瑄題補再

查四十八年八月內晉撫蘇以山西大河西路

同知蓬密達霉爛存貯倉穀等項題參戶部會

同臣部議覆蓬密達已陞詹事府中允應革職

留於新任限一年賠完等因具題遵行在案曹

景濂已補員外郎應照此例革職留任於新任限

一年賠完之日開復如不完照例治罪可也四

十九年七月奉

旨依議

一刑部會同吏部會看得據直撫趙疏稱交河

縣降調知縣張榮虧空銀穀馬匹一案緣康熙

四十二年間交邑地方收成歉薄奉文糶粥賑

濟給銀買米不敷張榮遂那倉穀碾米賑濟仍

虧空穀四千三百七石零又四十七年五六月

間大雨特行各倉漏濕泥爛穀一千五百石零

以上二項虧空穀五千八百七石零又四十七